

DUCIS, &c. VITA.

Ille sui excelsi genuina Parentis imago;
 Ille sui, effigies, Patris ad instar, Auûm.
 Horum quidam olim MITIS cognomen adeptus;
 Dux etiam talis IANFRIDERICVS erit.
 BARBATVS nostris Dux primus floruit oris,
 Et SAPIENS dictus Cæsaris ore fuit.
 Mecænas, columen doctorum forte virorum,
 Fundatorq; tuæ, magna Tubinga, Scholæ.
 Quòd (Patris instar) & hic SAPIENS aliquando futurus,
 Iam nunc indicijs magna dat orsa suis.
 Sic (Patris instar) amat doctos, iussuq; paterno,
 Sæpius hos mensis gaudet adesse suis.
 Dux fuit VLRICVS constans atq; arduus Heros:
 Vt Pater est talis, sic quoq; Natus erit.
 Qualis CHRISTOPHORVS, qualis LVDOVICVS & ipse,
 Talis & Agnatus IANFRIDERICVS erit.
 Quæ Ducis at virtus huius, quæ vita sit omnis,
 Collegi nostri Clio operosa refert.
 Gaude de tali, Pater illustrissime, Nato;
 Qui speculum mentis, corporis estq; tui.
 Gaude de tali, Schola Württembergæ, Patrono:
 Gaude de tali, Patria tota, Duce.
 Præstet vtriq; Deus longæ bona tempora vitæ:
 Sintq; diu in Tecco gaudia tanta solo.
 Flore, viue diu IANOFRIDERICE, Deumq;
 In tua clementem vota beatus habe.
 Vtq; Professorum decoras simulachra tuorum,
 Dux velut, & primo Sol radiando loco:
 Sic (Patris instar) in hoc Dux, & Sol esto Lyceo,
 Protege, clementi respice luce, fove.

I M A-